



廣州文藝叢畫

笑面虎

新 粵 劇

陳 卓 瑩 編 劇

八 同 喜 屋 刊 行

目錄

演員表	(一)
第一場	(三)
第二場	(二六)
第三場	(三四)
第四場	(六四)
本事	(七五)
後記	(八一)

演員表

蕭桂 年三十左右，蕭彥府的惡管家。

丁卜一 四十歲以上。蕭彥府的舅兄，蕭家的狗腿頭子，和蕭家村的鄉長。正武生飾。

蕭彥府 三十二歲。集土豪、惡霸、地主、和淫賊於一身的土皇帝；綽號叫笑面虎。正文武生飾。

田紳 毗鄰蕭家村的田姓鄉紳。

馬紳 同右的麥姓鄉紳。

瑞心 二十歲。是一個外縣人，被蕭彥府拐騙了回來作妾。第二花旦飾。

大少奶 三十歲。彥府之妻；卜一之妹。第三花旦飾。

李世仁 三十以外的純直貧農；蕭家佃戶。正丑角飾。

陳氏 世仁妻，精明幹練，刻苦耐勞。正花旦飾。

陳大英 二十歲，陳氏胞弟。性剛烈不阿。正小生飾。

陳秋蟬 陳氏幼妹，年在十五六歲間，有着胞兄大英的一般性格。第二花旦後飾。

李母 世仁的母親，年五十以上。怕事，安命，和世故。由第二丑角反串。

馬良

田大 兩人都是被蕭彥府迫害逃上五桂山的青年夥子。

黃團長 縣兵 鄉民 五桂山的游擊隊 蕭家的婢僕和狗腿。

第一場

時：一個端午節日

地：廣東省中山縣鄰近五桂山區下的蕭家村

人：蕭彥府 丁卜一 蕭桂 田紳 烏紳 大少奶 瑞心 陳大英 李世仁 陳氏 蕭宅家丁

景：蕭宅花園。台右可見蕭宅的樓宇外貌，右手邊一度月門供上場用。側近月門的左手旁，小小的一座高臺，可資遠眺。臺後一條河流，由台右一直伸展到台左，漸爲台左的樹林所掩沒。一輪旭日，高懸空際；天朗氣清，花紅柳綠；正是初夏的時光。三幾艘龍舟在河上競渡，一派鑼鼓喧聲，龍舟由台左起競賽過台右。

（「追信」牌子頭開幕）

（丁卜一、蕭桂並立在高台上，背場向作遠眺龍舟競賽，意甚焦慮狀。兩人失意地走下高

台。)

丁：(即丁卜一。大發牢騷介。白攞)呢輪聲氣收(重句)。今年鬥龍舟，我地梗有份。我地村
嚟隻，扒極都鬥唔過人。睇嚟呢個情形，輸實就唔使審。我地年年都撈第一，勢唔估今年咁
冇癸(重句)。

桂：(即蕭桂，白攞)唔好諗(重句)。我地少爺知得梗火滾。我地少爺好第一，舅少你當然知
底蘊。至驚佢一反面，又要我暗殺人。我驚各鄉嘅紳衿，聚齊同少爺宴飲，若然嚇本村搗出
人命，搞到我地都一身筋。(重句)

丁：(白)你正一係冇胆匪類呀！(滾花)你既跟得我地少爺撈，就梗包得你穩穩陣陣。我係佢
舅爺佢都保得做鄉長，唔通就會令你難堪嚟！不如你快入堂前服侍少爺，同的紳衿飲。(向
月門內遙望。白)哦。話口唔完佢地出嚟添。

(「碎牌。」蕭彥府與田紳馬紳同月門上。隨行隨歡笑揖讓介。)

彥：(白)田大哥。馬大哥。(花下句)細想年年五月龍舟競賽，你地盛鄉都好似秀才手巾。相
信今年呢個第一，敝鄉都怕十拿九穩。(自誇介)

(兩鄉紳謙敬奉承介。龍舟鑼鼓再響，模塑龍舟再由台右向台左競賽過場，其中有先有後。

彥府和卜一、蕭桂等相顧失色，而兩神則喜至忘形介。）

田：（口鼓）蕭大哥。估唔到今年龍舟，畀我地田村叻番一陣啦。

馬：（口鼓）而且咁嚟，蕭大哥。今年輪到田村第一，我地馬村第二，你地盛鄉變左做殿軍嚟。

彥：（這個嘴介。滿臉不歡，但立刻奸笑介。口鼓）唔緊要（重句）。鬥龍舟唔係我輸就你贏，不過借呢個趣時嚟聯絡吓幾條鄉嘅情感嘅啫。出年再鬥過，不如請入去洗杯共飲（一槌）千祈唔好冷落我呢個東道主人嚟。番入去飲過杯。

（田馬兩神不允多留，謙辭告別，彥府亦不遠送。兩神由台左下）

丁：（獻殷勤自告奮勇介。花下句）確係抵頸唔住，一趟第一就咁沙鬼塵。大哥。睇佢兩個熱諷冷嘲，分明唔畀而你個份。

彥：（冷笑介。長花下句）何須火滾，曠費精神，你個妹夫個份唔通會衰過畀人，我自冇安排唔使你搞搞震，不如你去睇吓個班坭水工人，因為裝修花園要將磚瓦坭搬運，我驚個班耕仔偷懶，佢地會怪我唔畀工銀。（花）其中有一個陳大英，你要將此人吼緊。

丁：（白）我自然會嘅大哥，唔通我做到鄉長打人都有權咩？！（脅肩謔笑。台右下。）

彥：（先鋒執蕭桂手。口鼓）你立刻入城對黃團長說知，話田馬兩村有五桂山嘅人馬藏隱。叫

恒立刻班兵將田馬兩村清剿（一搥）至消滅得我仇恨之心呀。

桂：（擲頭吃驚不明介。口鼓）乜田馬兩村真係勾通五桂山？乜又絕唔聽見過官廳嚟查問呢？

彦：（盛怒介。口鼓）衰仔！今年鬥龍舟都畀人撈左第一（一搥）唔通就咁樣罷手，就甘心咩！

桂：（白）哦……原來咁嘅。（會意，笑介。沖頭台左下。）

彦：（奸笑介。花下句）素來我笑面虎和靚一笑，照例梗要死人。（悠然自得地踱上高台，背場遠跳介。）

（沖頭。大少奶執藤條，追瑞心由台右上。）

奶：（即大少奶。白鹽）你個冚家瘟（重句）！幾多你唔吼，幾多你唔搵，偏偏我個老公，你就同佢溫。舊底我老公，同我够好情感。自從溫左你，就唔當我係人。你入門唔够一個月，你就搞到佢變成咁。容乜易搞搞吓，大婆嘅地位都要變更。（快）越想越唔抵，難息心頭恨。至多打死你，我殺頭都甘心（重句，追打。）

瑞：（即瑞心。不服，執住藤條，白）喂——咪估淨係你惡晒嚟大少奶——（花）究竟係我罰你丈夫？抑或你丈夫搶我番嚟？（齊一搥，收白）你話喇！

奶：（啞口胡亥介。白）乜都得！

瑞：（冷笑介。續唱）哼！咪估咁蝦倒我個心就份呀！（推開介）

奶：（乘機光火介。白）唉呢！點唔份法？你想點？

瑞：（白）點都得！即管囉啦！

奶：（白）好！我要問過個衰佬，點至得你份！（沖頭向台右疾下。）

（彥府在後竊聽，不停地謔笑與憤恨，而色屢變介。）

瑞：（水波浪鑼鼓。白）且住。想我係異鄉之人，竟被笑面虎恃強搶劫。收禁在佢家中，逼于做佢妾侍。屢欲俟隙私逃，無奈佢有森嚴嘅門禁。況且異鄉客地，試問又點熟路途呢？細想笑面虎，係一個惡霸土豪，常時共的貪官污吏勾結。若無萬全善法，勢必插翼難逃。故此啞忍圖存，靜待脫身之計。待等一有機會，結識個可靠之人；那時我請佢援助，脫此樊籠。縱使任何犧牲，拚諸冒險。此際我打聽由人，惟有含冤待救囉咯！（低頭黯然介）

彥：（盛氣下高台，口鼓）瑞心！你好唔份係嗎？究竟你意欲如何？我想問一問囉！（帶有嘲笑態度。）

瑞：（暗吃一驚。但旋即鎮定，佯作負氣介。口鼓）問！重使問？試問你置我於何地（一擡）？未必做人妾侍，就斷六親咁？

彦：（呵呵大笑介。白）我估乜野嘅。（長二王下句）咁你駛乜咁傷……六六尺六 工尺上 一尺工尺 尺乙士

尺乙士合 工尺反工尺乙合士上合合 土上板 仁 仁 工上乙士 尺乙尺 合上工上尺工士
時 攝穩 陣我 驚 你會 走 人目 前 困 吓 又有乜要緊 呀

尺合 乙尺工六尺 尺工尺尺工尺上 尺合 合士板士 份人 因 爲你時 士合仁
將來 就 袖 數 拜嬌你嘅變 親我唔 放心你個 份人 因 爲你時

合 仁合六上上乙上尺上 工乙尺尺工六 工尺乙士合 仁合 上乙上 序 合上仁合士 六工
常 反抗 我 點能怪我費 戒 存

反工尺上 尺工乙士 上 尺 心

瑞：（唱序）怕你幾難服得我個心！（齊一搖）

彦：（隨齊一拋執她手，「卓竹」慢白）你咁够胆！（禿頭「上六線」唱「青梅竹馬」）

五生六工六五 六五生五六工六五生六 六六五生工 尺上尺工尺上 六六上上六 工
你即管有恨怨心 我打死你亦有手 震 你有幾本事 睇你 點樣瞞 居然作對即 管

尺工六、
官界胆！你你 又！睇吓邊個膽 一！生都有護人 聽 我個名都震呀呀唔係你 重搞

尺上、
稿震（氣煞逼人地把瑞心一碰介。）

（近台左的天幕下，遠遠地昇起了一片火光。）

（沖頭。蕭桂與高彩烈地由台左上。）

彥：（十分關懷地，先鋒鉸拉蕭桂手，唱快花上句）我叫你泡製田馬二村，黃團長佢有無應允？

桂：（白）冇鬼鬚嘅。（矜誇地白攬）我去到縣府，見睹黃團長。照直對我講，佢立即實行。人

馬一點齊，將兩村圍困。囉村外嘍放火，同時又拉人。邊個唔服從，打死唔駛審，房屋燒燐
晒，等佢冇礙藏身。你睇田馬兩村，的火頭重燒緊。火頭重燒緊呀太少。（遙指台左天幕下
火光介。）

彥：（顧而樂之介。向瑞心口鼓）你睇見嗎瑞心？不過今年我地門輪龍舟咗，我都要害死佢田馬
兩村至稍洩我心頭之恨。你想吓呀，你想同我鬥？唔該你慳番瞓氣咯阿瑞心！（不可一世
地。）

瑞：（這個擲頭，另場花下句）此人陰險狠毒，斷不能再啓佢嘅疑雲。惟有假作呷醋拈酸，暫時求得佢信任。（改容，故作撒嬌狀，頓足假哭介。白）你估人地唔會想嘅咩？生係你人，死係你鬼嘢，你唔愛我就打發我扯，點解要受大婆氣，中意就打，唔中意就鬧至得嚟？！

（這時候台右場內有毆打、和叫救命、呻吟聲。瑞心擲頭失驚。彥府立命蕭桂往探視。桂下。）

彥：（失笑，不以爲意。撫慰瑞心介。花下句）你有我真心，我當然有你嘅意，何必再爲小事傷神。好啦，而家我另有事情，等陣再到你房中慰問。（白）番入去先啦瑞心。

（瑞心頓足向台右下。）

彥：（關目奸笑介。花下句）我笑面虎生平殺人不見血，唔通應付唔掂你呢個異鄉嘅婦人。不過我見佢有幾分姿色，否則早已賣落青樓，得番筆身價銀。

（沖頭。丁卜一和衆家丁，糾纏大英上。此時大英的上衣已被撕破，身有傷痕。李世仁、陳氏夫婦，跟在後哀求饒恕介。）

（陳氏見大英被毆受傷，不禁相抱哭相思。但哭相思時，陳氏撲在倒臥地上的大英身旁，以背向彥府，未爲所見。）

（彥府未見陳氏臉部，故仍盛怒喝問何事介。）

仁：（卽李世仁急向彥府求情介。口鼓）太少。我個舅仔陳大英，雖係牛精的，但係丁鄉長都無謂將佢打成咁嘅！

丁：（狠狠地，口鼓）大哥。呢個衰仔陳大英攞五桂山人馬嚟搨我，又話點都唔放過你我兩家人噃。

彥：（冷笑介。口鼓）哦。五桂山人馬係嗎？然則你同五桂山，時時有往來，又好似有感情嘅？

（有作用的試探，故示和藹介。）

英：（吶聲介。口鼓）你咪理！五桂山中對於我地的窮苦老百姓（一搥），時時都咁關心㗎。

（「的的撐」彥府、卜一同時含恨擲頭介。）

陳：（卽陳氏先鋒銳向彥府抗辯。畧快長花下句）欠你田租都唔怪你追問，之不應拉嚟同你將磚瓦搬運，由朝到晚都有半分工銀，重要屋企挽埋飯嚟、水都有啖飲，而且舊債利息一樣追到行，試問的農人心點份，呢的係激成衆怒，點關我細佬一人。（花）更何須鄉長佢做架槓，咁打法又點平公憤？！

彥：（驟見陳氏不覺驚艷介。台口花下句）陳大英本人就勢難饒恕，惟是佢個家姐就的確消魂。好。等我一矢貫雙鵰，俗語話砒霜毒藥、最好用蜜糖嚟浸。（示意丁卜一，同在台口耳語關

目完，彥府故意正色地責罵卜一介。白）丁鄉長。人家犯左乜野咁大罪，要打成入地咁慘
咗？濫用私刑唔啱㗎！

（瑞心躍足上高台，窺聽。不時冷笑，心知彥府又弄手段了。）

仁：（上當了，擲頭暗喜。急拉陳氏另場，花下句）聽見大少爺所講嘅說話，可見佢地兩個係不
同心。計我話向大少爺求情，一定較為穩陣。

（陳氏不答應介。）

英：（不服氣。快花下句）已經擔坭搬磚瓦都當義務，因乜事重要痛打我一身？！畀人趙左一身重
要求情，你而家提笨咗？

彥：（滿不介意地向陳氏夫婦禿頭二王下句）我的確絕唔知道，正話至怪責、佢一身。（指丁卜一）

丁：（唱序）查實大哥你太好心（故作不服氣狀。）

彥：（嚴厲地向卜一責承介。唱二王上句）你不應加醋加鹽，違背我平時，嘅教訓。

丁：（唱序）不過大英太唔立品嘅。（稍作懾服，仍爭辯介。）

彥：（二王下句）就算佢點唔好法，都不能立亂、打人。

丁：（唱序）不過你未知個橫紋（齊一鎚收，滿懷委屈地。）

上乙上上——上尺工六尺士——乙士乙尺士上尺——乙——尺尺工反——工反工——尺工尺上——乙——尺尺
你地有……惡……感大……少……爺……俗……語說……得……好……解……鈴……還須

紅板仕伏——合乙士仕合——尺上上——合上士合仕——
繫……鈴……人……何必逼人太……甚……

彥：（挖着他的膿瘡，立刻「的的」擲頭關目惱恨介，但亦祇畧示不滿狀。長花下句）自己窮窘，埋怨別人，誰非誰是你知未會？何以見得我逼人太甚？唔通收租都有罪？你應怨句愚蠢嘅變親。（花）好彩遇着我咁通融，畀第的要你名譽賠償都有份。

仁：（先鋒銳拉陳氏。木魚）你顯定慎？好似賣大頭嘅個亞均。真係開口及藩廟，亂咁得罪人。自己貧窮，惟有嘆聲唔够運。人地有田有地，唔通要共你對分？況且禮下於人，應該求下低地憐憫。不應教人前根後底，咁即係礙聲氣壞精神。

丁：（花下句）真係臭疊出臭草，兩姊妹都係爛流人。快的交清的田租，否則罪加一等。

英：（花下句）邊個受你私刑濫用？咪估特住係地主就橫行。幾多農民畀你害到家散人亡，終有日要伸冤雪恨。

（世仁大驚，急掩其口。陳氏亦畧怪大英失言介。）

彥：（的的攔關目，另場笑介。花下句）好！要你死無葬身之地，重當正我係仗義施恩。（改容，十分寧耐）阿李世仁，阿仁嫂，大家前事休提，我重要關濟你地窮窘。

丁：（欲擒故縱地反對介。口鼓）乜野好呀？拉佢去見官，等佢做監躉。個個耕仔學佢咁重成世界嘅？阿妹夫做人唔得咁好心㗎！

彥：（佯怒介。白）你咪囉處多事幹！入去休息吓罷喇（關目介）！

（丁卜一萬分委屈地悻悻下。）

仁：（口鼓）大少。你真係好人事嘅咯，好唔好借筆錢我地開耕，與及欠的田租咪追得咁緊呀？

陳：（阻介。口鼓）但得大少將我細佬釋放，其他一切都唔敢要受大少嘅深恩咯。

（瑞心再躍足上竊聽介。）

彥：（知道陳氏不大貼服，急急逼緊一步。禿頭木魚）你咪誤會囉，實在我戔（音鄧）你關心。我想幫忙你姐弟，免使佢負累阿李世仁。第一佢（指世仁）家道貧寒，負擔太重責任。令弟不如做我家管賬，應番多少嘅薪金。二則同佢出路打開（指大英），唔駛成世耕田咁笨。第三我時常將佢教訓，等佢規規矩矩學吓斯文。

仁：（喜出望外介。三字經下句）真係唔止够義氣，更重仁義個仁。咁我一噴就應承，阿大英